

Powšitkowne WOZJEWJENJA

njedźelu, 6. februara 2011

Hłowna zhromadźizna TCM

Předsydstwo Towarstwa Cyrila a Metoda z.t. (TCM) přeprošuje wšitkich čłonow towarstwa, čłonow sekcijow a korporacijow kaž tež zajimowanych hosći na swoju hłownu zhromadźiznu na swjedženju swojeju patronow pónđzela, 14. februara, do Radworja. Započnjemy we 18.30 hodź. z Božej mšu w Radworskej cyrkwi. Přizamknje so zhromadźizna na farje.

Jurij Špitank, předsyda TCM

Swójbne popołdnjo wot 0 do 99 lět

Bačońska wosada přeprošuje wšitkich zajimowanych na swójbne zarjadowanje njedźelu, 13. februara, w 15 hodź. do Haslowa na Bizoldec žurlu. Wo zhromadne reje square-dance postara so rejwanski studij Pohle z Budyšina.

Jubilejne pory k biskopej přeprošene

Drježdžansko-Mišnjanski biskop Joachim Reinelt přeprošuje mandźelskich, kotřiž wosweća w běhu lěta 2011 jubilej, sobotu, 10. septembra, do Drježdžan. Zajimcy měli so pisomnje w pastoralnym wotrjedže biskopskeho ordinariata přizjewić a swoju adresu kaž tež jubilej podač: z póstom na Bischöfliches Ordinariat, Abteilung Pastoral, Käthe-Kollwitz-Ufer 84, 01309 Dresden, z faxom na čisło (03 51) 3 36 16 01 abo z e-mail na Pastoral@Ordinariat-Dresden.de.

Seminar wo prawym řečenju

Z prawym wustupowanjom a wurjekowanjom při řečenju před ludźimi zaběra so seminar w Smochčanskim domje biskopa Bena sobotu, 26. februara, wot 9 do 17 hodź. Referentka budže serbska řečenska wědomostnica a řečna terapeutka Wanda Wokowa. Zajimcy njech so přizjewja hač do štwórtka, 10. februara, w Smochćicach, telefonowe čisło (03 39 35) 2 20 abo email info@benno-haus.de

Poskitk křižerjam

Křižerjo móža sej hač do pjatka, 18. měrca, pola šwalče Petry Kupcyneje we Worklecach cylindry k jutram skazač, telefonowe čisło (03 57 96) 9 56 04. Tež wšelake pisane jutrowne banty ma šwalča na wuběr.

Swětowe zetkanje młodžiny w Španiskej

Młodostni, kotřiž chcedža so na swětowym zetkanju młodžiny w Madridže wot 10. do 23. awgusta 2011 wobdźelič, móža so hač do pónđzele, 28. februara, w zarjedže biskopstwoweho dušepastyrstwa młodžiny w Drježdžanach přizjewić, pak telefonisce pod čisłom (03 51) 3 36 47 17 abo z e-mail na jugendseelsorge@ordinariat-dresden.de. Jězba plači 499,00 eurow

Pěši do Częstochowy

Tež lětsa pozbudža farar Beno Jakubaš, so w serbskej skupinje na putnikowanje z Waršawy do Częstochowy podač. Budže to jubilejne 300. putnikowanje wěriwych z Waršawy do Częstochowy. Hić smě kóždy sobu, kotryž je 18. žiwjenske lěto docpěl. Termin putnikowanja je wot 5. do 15. awgusta. Zajimcy njech so bórze přizjewja pola fararja Bena Jakubaša w Njebjelčicach, telefonowe čisło (0 35 78) 30 20 05.

Termíny přěneho swjateho woprawjenja a swjateho firmowanja w serbskich wosadach

	přěnje swjate woprawjenje	swjate firmowanje
Bačoń	5. junija	10. apryla
Budyšin	8. meje (serbsce) 22. meje (němsce)	3. julija
Chróšćicy	29. meje	3. apryla
<i>Pančicy- Kukow</i>	5. junija	—
Kamjenc	22. meje	2. julija
Kulow	5. junija	hišće njejasne
Njebjelčicy	22. meje	8. meje
Radwor	1. meje	3. apryla
Ralbicy	1. meje	22. meje
Wotrow	15. meje	10. apryla

Swjate firmowanje w Drježdžansko-Mišnjanskim biskopstwje wudžělitaž biskop Joachim Reinelt a emeritowany swjećacy biskop Jurij Weinholt, druhdy paralelnje w dwěmaj wosadomaj.